

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [Das Ende Sauls und seiner Söhne]

urn:nbn:de:bsz:31-62174

söhne Sauls. Vnd der streit ward hart wider Saul/vnd die schützen troffen auff in mit bogen/vnd ward sehr verwund von den schützen.

A Da sprach Saul zu seinem waaffenträger/Zeuch dein schwärt auß/vnd erstich mich damit/das nicht diese vnbeschnittene kommen/vnd mich erstechen/vñ treiben ein spott auß mir. Aber sein waaffenträger wolt nicht/denn er fürchtet sich sehr/da nam Saul das schwärt/vmnd fiel drein. Da nuh sein Waaffenträger sahe/das Saul todt war/fiel er auch in sein schwärt/vnd starb mit ihm. Also starb Saul/vnd seine drey söhne/vnd sein waaffenträger/vñ alle seine menner zugleich auff disen tag.



Da aber die menner Israel/die jenseit dem grunde/vmnd jenseit dem Jordan waren/sahen/das die menner Israel geflohen waren/vnd das Saul vmnd seine söhne tod waren/verliessen sie die Stette/vnd flohen auch/so kamen die Philister/vnd wohnten drinnen.

Des andern tags kamen die Philister die erschlagene außzuziehen/vnd funden Saul vnd seine drey söhne ligen auff dem gebirge Gilboa. Vnd hiewen im seitt haupt ab/vnd zogen im seine waaffen ab/vnd sandten sie in der Philister Land vmbher/zuerkundigen im haufe ihrer Götzen/vnd vnter dem Volck. Vmnd legten seinen harnisch in das hauf Astaroth/Aber seinen Leichnam hiengen sie auff die mauren zu Bethsan.

B Da die zu Zabes inn Gilead höreten/was die Philister Saul gethan hatten/machten sie sich auff/was streitbare Menner waren/vmnd giengen die ganze nacht/vnd namen die Leichnam Saul vmnd seiner Söhne von der mauren zu Bethsan/vnd brachten sie gen Zabes/vnd bereucherten sie daselbs.

Vnd namen ihre gebeine/vnd begruben sie vnter den baum zu Zabes/Vnd fasteten sieben tage.

Ende des Ersten Buchs Samuel.

f ii Nach